

周  
易  
說  
略

周易說略卷之八上

繫辭下傳

八卦成列，象在其中矣。因而重之，爻在其中矣。

此章言卦爻吉凶造化功業，以明易之體用章節。言卦爻所由立。若云：昔聖人作易，自太極判而為兩儀，自兩儀分而為四象，自四象而復加一奇一偶，純陽純陰，襍陽襍陰，八者之畫，以次而列，而乾兌離震巽坎艮坤之象，即在其中矣。如三奇則乾之象，二奇之上，一偶，則兌之象之類是也。此只可

謂之畫、不可謂之爻也、因此八卦之上、重加八卦、而為六十四卦、則有內體之貞、外體之悔、而六爻之位、即在所重之中矣、此立卦立爻之始也、剛柔相推、變在其中矣、繫辭焉而命之、動在其中矣、此下言吉凶所由著、承上文言八卦列而象已具、八卦重而爻已備、即是以觀、但見其奇畫之剛、與偶畫之柔、交相推盪、而卦爻之陰變為陽、陽變為陰、往來交錯、無不見于其中矣、由是變之在卦者、消息異時、則繫之卦、時以命一卦之吉凶、變之在

爻者當否異位則係之爻辭以命一爻之吉凶而  
占者所值當動之卦爻即在其中矣

彖引云變字就卦爻上說未說到卜筮之變虞  
卜筮之變則下文所謂動者也愚意卦爻有一  
剛復有一柔若彼此推換而出故曰相推變即  
如卦變云某卦自某卦來陽來居五陰來居二  
之類皆自成卦之後兩卦相形見其若自彼來  
即所謂變也。變就卦言動就著言

吉凶悔吝者生于動者也

承上文言動固在繫辟之中、當著未設而卦爻未動、吉凶悔吝亦无由而見、至于揲著求卦之後、動在何卦、動在何爻、而後卦爻之辟、或吉或凶、為悔為吝、于是可見、是吉凶悔吝生乎卦爻之動者也、

彖引此動字、只是卦爻動、不可以事為言、

剛柔者立本者也、變通者趣時者也、

承上文言吉凶悔吝固生乎動、試以卦爻之動言之、其成卦之始、一剛一柔、各有定位、是剛柔乃立本者也、然或剛變而通于柔、柔變而通于剛、所以

趨乎進極而退退極而進之時也

如筮得乾則六剛爻是立卦之本或初爻當變而通於柔則趨於同人六爻變則趨於坤之類也

吉凶者貞勝者也

承上爻剛柔變通而吉凶見矣然是吉凶二者每以相勝為常而不容并立當其吉也則有吉无凶是吉勝乎凶也當其凶也則有凶無吉是凶勝乎吉也不入乎彼必入乎此卦爻之示人惟此而已

天地之道貞觀者也日月之道貞明者也天下之動貞夫一者也

此節承上文言吉凶相勝而推其理之所以然若云吉凶之常相勝而不已者何也以物物各有其正而常之理也如天地之道其正而常者垂象以示人而已日月之道其正而常者明以照萬物而已天下之動其正而常者則惟此一理視其順逆以為吉凶而已此吉凶所以常相勝而不已也

蒙引云天地日月二句輕不過引起下句耳

夫乾確然示人易矣。夫坤隤然示人簡矣。

上節言卦爻吉凶。此節推本卦爻之所由作。若云。易不外卦爻吉凶。然卦爻何由而作乎。今夫乾天之所以為天也。其德確然至健。是以理出必行。氣運必達。為萬物始而元阻滯。常示人以易矣。今夫坤地之所以為地也。其德隤然至順。是以因天之理。因天之氣。代以有終而元勞擾。常示人以簡矣。蒙引云。自章首至貞夫一者也是一節。又自夫乾確然至情見乎蓍是一節。皆言卦爻吉凶也。



爻也者、效此者也、象也者、像此者也

承上文乾坤所示之理如此、而易之所為爻也者、不過倣此乾坤之理者也、百九十二之陽爻、皆一而寔、皆乾之健而易也、百九十二之陰爻、皆二而虛、皆坤之順而簡也、易之所為象也者、不過倣此乾坤之理者也、諸陽卦在內而為主者、皆陽息而陰消、所以象乾之易也、諸陰卦在內而為主者、皆陰息而陽消、所以象坤之簡也

爻象動乎內、吉凶見乎外、功業見乎變、聖人之情見

乎辭、

承上言易本乾坤而有爻象、則可因著求卦而明  
吉凶、方其揲著求卦也、參伍以變、錯綜其數、而爻  
象隱然變動於著策之內、及其著既揲卦既成也、  
所值之卦、所值之爻、分明可見、而為吉為凶、顯著  
于卦爻之外、其爻象之方動乎內、即所謂變也、卦  
雖未成、然既有變、自有卦、有卦自有占、由是可以  
趨吉避凶、事業從此而生、吾人用易功業、不因變  
而見乎、至于占之吉凶、卦有卦辭、爻有爻辭、而聖

人憂世覺民之情、不見於此乎、有乾坤之理、而卦  
爻以立、卦爻立而吉凶之占以明、易之體用如此、  
天地之大德曰生、聖人之大寶曰位、何以守位曰仁、  
何以聚人曰財、理財正辭、禁民為非曰義、

夫易之理、肇自天地、則為造化、體于聖人、則為功  
業、以造化言之、天地不徒以法象大於天下也、其  
所為大德者、則曰生、蓋天地以生物為心、其知始  
作成、无時或息、而天地之大德在是矣、能配天地  
者、聖人之功業也、而聖人之大寶則曰位、蓋聖人

以參贊為心、苟不得位、則无以成裁成輔相之功、也是位乃聖人之大寶、天是位也、何以守之、則曰仁、民為邦本、必得衆而後可以守邦也、是人、也、何以衆之、則曰財、財為民天、必有財而後可以養人也、至若理其財、使公私各得、正其辭、使倫理大明、禁民為非、使邪慝不作、則曰義、蓋義者、裁制是非、各得其宜者也、義以理財、則九賦九式有定制、而生養遂義、以正緯、則大綱小紀有定制、而教化行、義以禁非、則五刑五罰有定法、而民不犯、至此而

聖人之功業可以上配乎天地矣

右第一章

古者包犧氏之王天下也，仰則觀象于天，俯則觀法于地，觀鳥獸之文，與地之宜，近取諸身，遠取諸物，于是始作八卦，以通神明之德，以類萬物之情。

此章言聖人畫卦之始，而因及制器尚象之事。若以古者包犧氏之王天下也，欲有以前民之用，仰則觀日月星辰風雨露雷之象，於天而稽其升沉顯晦，俯則觀山川陵谷南北高深之法，於地而察

其變遷往來、觀鳥獸羽毛、毳革之文、與天地寒暑、  
燥濕之所宜、近取諸身之形體性情、而知其動靜、  
慘舒、遠取諸物之飛潛動植、而辨其聚散生成、莫  
不有陰陽之定體、消息之迭運焉。於是象其陰陽  
消息、始作八卦、九微而神明之德、默寓於天地人  
物中者、卦與之通而無間、顯而萬物之情、散見於  
俯仰遠近間者、卦與之類而不違、物理物情、无不  
具於八卦、則欲立成器以利天下、舍此安取哉。  
蒙引云、於是始作八卦、總六十四卦只是八卦。

也故下云有十三卦之象

作結繩而為網罟以佃以漁蓋取諸離

包義氏以民未知鮮食之利始教人結繩而為網罟以佃于山林以漁於川澤若此者蓋取諸離離象為目而網罟之兩目相承似之離德為麗物之麗於網罟者似之也

朱子曰蓋取諸等字乃模寫是恁地蓋字是个半間半界的字又曰據十三卦取象蓋取諸離者言網為網罟有離之象非觀離而始有此也

包犧氏沒神農氏作斷木為耜揉木為耒耨耨之利以教天下蓋取諸益

包羲氏沒神農氏作而王天下以民之未知粒食也斷木俛銳而為起土之耜揉木使曲而為扶耜之耒耨耨耕種之利以教天下蓋取諸益二耜皆木既取益之象上入下動以取益之德天下之益莫大于粒食又有取於益之義

日中為市致天下之民聚天下之貨交易而退各得其利蓋取諸噬嗑



神農以民之未知有無相通也、教民當日中之時、而相市易、招致天下之民、聚集天下之貨、交易而退、則所乏者不至於無所取、所餘者不至於無所用、而各得其所矣、蓋取諸噬嗑、噬嗑之卦、上明而下動、日方中於上、而人相交易於下、似之且噬者、市也、噬者合也、亦於市合聚百物之義也、此市字是个市易之市、非市井之市也、

神農氏沒、黃帝堯舜氏作、通其變、使民不俟神而化之、使民宜之、易窮則變、變則通通則久、是以自天祐

之吉无不利、黃帝堯舜垂衣裳而天下治、蓋取諸乾、

神農氏沒、黃帝堯舜三聖相繼而作、斯時風氣漸開、人事漸煩、民已厭太朴之俗而思變矣、三聖則為更立新制以通其變、使民懼怖鼓舞、趨之而不倦焉、然其所以通之者、非強用智慮作為于其間也、不過因其自然之變、而以自然之理處之、乃所謂神而化之、故使天下之民相安于神化之中、而以為宜、此所以趨之而不倦也、夫天下盈虛消息之

理、每到變時、必漸有更改而變時數既  
變、則常有以通之、使其咸宜可行、既有以通之、則  
人皆樂于趨向、遵守而可久、至于能久、則天人交  
助、是以自天祐之、吉无不利也、造化之理、原自如  
此、三聖通變之寔、則何如、三聖以向日衣皮服羽  
之風、人漸覺其陋、乃為衣裳之制、辨章采、別尊卑  
禮義之風、頽起鄙陋之俗、遂變恭已无為而天下  
自治、所謂通其變、使民不倦、神而化之、使民宜之  
者、此也、三聖之變化如此、其于易卦、蓋取諸乾坤

乎、天地之變化至易至簡而元作為正相配也。  
剡木為舟、剡木為楫、舟楫之利、以濟不通、致遠以利  
天下、蓋取諸渙。

以民之阻於川澤也、聖人教人剡木使中虛而為  
舟、剡木使末銳而為楫、舟楫有載物浮水之利、以  
濟川澤之不通、致四方之遠、以便利天下、蓋取諸  
易卦之渙、渙上巽下坎、木浮水上之象、舟楫似之。  
服牛乘馬、引重致遠、以利天下、蓋取諸隨。  
以民之病於陸行也、聖人因牛之性順而穿其鼻

以服之。因馬之性健而絡其首以乘之。使之引重載。致遠道。以利乎天下。蓋取諸隨。隨之為卦。下動上說。牛馬引其下。人安處其上。非隨之象乎。

重門擊柝。以待暴客。蓋取諸豫。

聖人以患之不可不防也。設重門以為固。時擊柝以相警。以待暴客。於未至而使之无可乘。其防患於未然。蓋取諸豫卦。豫備之意也。

過。斷木為杵。掘地為臼。臼杵之利。萬民以濟。蓋取諸小

聖人以民之知粒食而未知脫粟也，於是斲木為杵，掘地為臼，有臼杵春治之利，而萬民賴之以濟。蓋取諸小過之下止而上動也。

弦木為弧，剡木為矢，弧矢之利，以威天下，蓋取諸睽。聖人以天下不可无以威之也，於是施弦于木而為弧，剡木使利而為矢，弧矢有射䟽及速之利，所以示天下以有警備而使之畏，蓋取諸睽。睽者乖異之謂也。天下有乖異者，必威以服之也。

上古穴居而野處，後世聖人易之以宮室，上棟下宇，

以待風雨、蓋取諸大壯、

上古穴居而野處、後世聖人、易以宮室之制、上承者有棟、而下覆者有宇、雖震風凌雨、皆有以待之、而无患、其壯固安居、蓋取諸大壯、有壯固之意也、古之葬者、厚衣之以薪、葬之中野、不封、不樹、喪期无穀、後世聖人、易之以棺槨、蓋取諸大過、

古之葬者、惟厚衣之以薪、葬之中野而已、不封、一土、不樹、一木、喪哭之期、无有定數、後世聖人、易以棺槨、則封樹之制、喪期之數、由此而備、以為送死

大事不可不厚、蓋取諸大過、而為是過厚之制也。  
上古結繩而治、後世聖人、易之以書契、百官以治、萬  
民以察、蓋取諸夬。

上古民淳事簡、事之大小、惟結繩以識之、而天下  
已治、後世民偽日滋、于是聖人易結繩以書契、言  
不能識者、書以識之、事有不能信者、契以臨之、由  
是在百官則功罪有可考、名寔有可稽、而百官以  
治、在萬民則情偽有可審、是非有可辨、而萬民以  
察、其明白剴斷如此、蓋取諸夬卦明決之意也、聖



今包舉天地人物之理而作易故先聖後聖并制立法皆不能出于易之外也

右第二章

是故易者象也象也者像也

此章言易象與辭皆所以前民之用承上言聖人制器尚象之事是故易者只是六十四卦三百八十四爻之象而已而卦爻之象也者乃造化事物之理之形似也理不可見聖人立此象以示人耳象者材也

後世聖人復繫之辭、其繫于卦下者、為彖象者、則  
統論一卦之材也、卦有德、體象、變之材、善惡純駁、  
所具不一、彖則因其材而明之也、

爻者、效天下之動者也、

其繫于每爻之下者、則倣效天下之動而為言也、  
天下之動、進退取舍、其端不一、爻中皆具此理、聖  
人因爻之時位、而一一摹倣以示人也、  
是故吉凶生而悔吝著也、

前聖既立之象、後聖復繫之辭、是故吉凶本无形

而難知也。而吉凶因象與辭而生矣。悔吝本至微而難見也。而悔吝因象與辭而著矣。則示人趨避以前民用。孰有備於易者乎。

右第三章

陽卦多陰、陰卦多陽、其故何也、陽卦奇、陰卦耦、其德行何也、陽一君而二民、君子之道也、陰二君而一民、小人之道也、

此章專論六子卦画。首段言画數多寡。二段言画數之所以多寡。三段因画數而推及德行之不同。

若云卦之多陰者、宜為陰卦、卦之多陽者、宜為陽卦、今震坎艮陽卦也、乃一陽二陰、巽離兌陰卦也、乃一陰二陽、此其故何也、陽卦以一奇為主、而二陰從之、故多陰、陰卦以一偶為主、而二陽從之、故多陽、夫卦画之所在、即德行之所在、陽卦陰卦之德行為何如也、陽道尊貴而統、陰有君之象、陰道卑賤而從、陽有民之象、陽卦一陽二陰、其象為一君而二民、以二民而從一君、以一君而統二民、其道大而公、乃天命之正、人倫之常也、豈非君子之

道乎陰卦一陰一陽其象為二君而一民以二君而統一民以一民而從二君其道小而私於天命則非其正于人倫則非其常豈非小人之道乎

愚嘗疑本義九陽卦皆五画九陰卦皆四画語一偶画豈可分為二画乎今蒙引云九陽卦以一陽爻為主九陰卦以一陰爻為主二語甚簡盡而又云一陽為一画二陰各二画未免周旋牽泥及觀韓康伯注云少者多之所宗一者衆之所歸陽卦二陰故奇為之君陰卦二陽故偶

為之主與蒙引首二語合斷可從也

蒙引云二字不必限定只是兩箇二是多意故  
坤為衆

右第四章

易曰憧憧往來朋從爾思子曰天下何思何慮天下  
同歸而殊塗一致而百慮天下何思何慮

此章夫子偶舉十卦十一爻之辭以釋之以見逐  
爻各有意義欲學者觸類而通也易咸卦九四爻  
詞曰人若憧憧然用私意于往來之間則意偏於

此必遺于彼不能无。所不感唯其朋類從爾之思而所及者亦甚狹矣。夫子釋之曰：天下事，感應之理盡之矣。何用思為？何用慮為？天下感應之理之具於事物者，本同歸也。但事有萬殊，初有萬變，所行之途則各殊耳。感應之理之具于人心者，本一致也。但所接不一事，所應不一物，而所發之慮因之有百耳。夫慮雖百而致則一，塗雖殊而歸則同。此感應之理，一皆出於自然而不必容心于其間。吾之應事接物，亦惟順其自然者而已。天下事

亦何用思何用慮而懂懂為哉

日往則月來、月往則日來、日月相推而明生焉、寒往則暑來、暑往則寒來、寒暑相推而歲成焉、往者屈也、來者信也、屈信相感而利生焉

試以造化觀之、日往則月來、月往則日來、日月相推而明自生而不息焉、寒往則暑來、暑往則寒來、寒暑相推而歲功已成焉、日月寒暑之往、進極而退、息極而消、機之屈也、日月寒暑之來、退極而進、消極而息、機之伸也、其屈也、所以感來者之伸、其



伸也。所以應往者之屈，屈伸相感，而明生。歲成之利，已不期生而自生焉。造化之往來，何莫非自然之理。何待於思慮而後然哉。

尺蠖之屈，以求信也；龍蛇之蟄，以存身也。精義入神，以致用也；利用安身，以崇德也。

試以物理觀之：尺蠖必屈而後伸，是尺蠖之屈，乃所以求伸也；龍蛇必蟄而後存，是龍蛇之蟄，所以存其身以待奮也。物類之屈伸蟄存，何莫非自然之理。亦豈待於思慮哉。不特此也，即推之聖學，亦

有自然之機焉。學者精研事物之理而細微委曲、无不剖析、至於妙不容言之境、與用心於內也。以此出而應事、則見理既真、萬事到前、迎刃而解、而處之各當、非即所以致用乎。學者出而應用、事事合宜、至於隨其身之所處而皆安、此所利在外也。然躬行既順、則其心之所得益深、所造益遠、而日進於高明矣。非所以崇德乎。內外之間、交養互發、亦理之自然、不待思慮者也。

過此以往、未之或知也。窮神知化、德之盛也。

承上文精義利用、此下學之事、猶可知也、過此下  
學思為之境而愈進而上、則不容有思、不容有為、  
未有知其所以然者矣、至於精義之極、忘其為精  
義、利用之極、忘其為利用、而於不測之神、合同之  
化、默契而無間焉、乃其德盛所自致、此亦感應自  
然之理也、天下事原无容思慮、易所為戒、憧憧也、  
易曰、困于石、據于蒺藜、入于其宮、不見其妻、凶、子  
曰、非所困而困焉、名必辱、非所據而據焉、身必危、既辱  
且危、死期將至、妻其可得見耶、

困六三之辭曰、困於石、據於蒺藜、入於其宮、不見其妻、凶。夫子釋之曰、九人舉事、當度彼度已、如欲有所作為、以圖功、必度吾力之所能、而後為之。若其事本不易為、而強用其力、以至於困、便是非所困而困焉、必貽譏於人、而名辱。如欲有所憑藉、以圖安、必度其人之可依、而後依之。若其人本不足據、而妄欲據之、便是非所據而據焉、必取禍敗、而身危。既名辱、而且身危、喪亡立至、妻其可得見耶。蒙引云、不要用九四九二及上六來入解、只解

其辭意云耳、以諸爻例之如是

愚按俗講以非所困為欲困人以成功、非是、九  
不幸之困、非所自致而忽然至者、正君子致命  
遂志之秋、是乃所謂困也、名何由辱、非所困而  
困、謂事本難做而又非關於分、諂之不容諉、乃  
妄行取困、故曰非所困而困、斯乃名所由辱也、  
易曰、公用射隼於高墉之上、獲之、无不利、子曰、隼者  
禽也、弓矢者器也、射之者人也、君子藏器於身、待時  
而動、何不利之有、動而不括、是以出而有獲、語成器

而動者也

解上六之辭曰公用射隼于高墉之上獲之无不利夫子釋之曰解上爻之辭所謂隼者射之禽也弓矢則射之器也射之者則人也夫君子懷經邦濟世之器待時之可行而行則致用者有其具何不利之有蓋人之无其器而動者必有窒礙既藏器於身而動以時則從容應變而四達不滯是以不出則已而出則有獲易所云射隼於高墉之上獲无不利者正語夫揆已成之器而動者也

隼者禽三句、據爻辭指點下文之意。已耀然欲出。三復之得讀書之法。蒙引云、欲以器為除暴去害之器、愚謂不必如此拘。

子曰、小人不恥不仁、不畏不義、不見利不勸、不威不懲、小德而大誡、此小人之福也。易曰、履校滅趾、无咎、此之謂也。

夫子釋噬嗑初九爻曰、小人不以不仁為可恥、而樂就之、不以不義為可畏、而輕犯之、有時為善、以利之在前也、不見利、則不勸矣、有時懲惡、以威之。

而後畏也、不威之、則不懲矣、其情狀如此、則方其  
初萌、不仁不義之時、而即有威刑以懲之、於不仁  
不義之大者、因此知誠而不敢為、此真小人之福  
也、易曰、履校滅趾、无咎、正此小懲大誡、為小人之  
福之謂也、

善不積、不足以成名、惡不積、不足以滅身、小人以小  
善為无益、而弗為也、以小惡為无傷、而弗去也、故惡  
積而不可揜、罪大而不可解、易曰、何校滅耳、凶、

夫子釋噬嗑上九之爻曰、為善有成名之理、若不



言田 卷之八 二十一  
積則特片善耳無可稱之寔不足以成名也惡有  
取禍之理若不積則特小過耳無可赦之罪不足  
以滅身也取禍致福皆係所積如此可見善雖小  
而自此積之即成名之基惡雖小而自此積之即  
滅身之本奈何小人以小善為無益于名而弗為  
也以小惡為無傷於身而弗去也故其惡積之久  
至於彰著而不可掩其罪至於滅身之大而不可  
解矣易曰何校滅耳凶蓋言積惡而滅身者也  
子曰危者安其位者也亡者保其存者也亂者有其

治者也是故君子安而不忘危存而不忘亡治而不  
忘亂是以身安而國家可保也易曰其亡其亡繫于  
苞桑

夫子釋否九五爻義曰九恃其安者未必安惟其  
心常若危者則安其位之道也恃其存者未必存  
惟其心常若亡者則保其存之道也恃其治者未  
必治惟其心常若亂者則有其治之道也是故君  
子位雖安矣常思天位難享而不忘危國雖存矣  
常思社稷難保而不忘亡改已治矣常思萬幾難

理而不忘亂、其所以求安圖存保治者、日慎一日、  
是以身安其位、而國家久存常治而可保也、否之  
九五、當否將休之日、而其心常曰、其將止乎、其將  
止乎、即如繫於苞桑之固而常安矣、蓋謂此也、  
子曰、德薄而位尊、知小而謀大、力小而任重、鮮不及  
矣、易曰、鼎折足、覆公餗、其形渥、凶、言不勝其任也、  
夫子釋鼎九四爻義曰、九人居位以德謀事以智  
任事、以力必相稱而後無患、若其德本薄也、而所  
居之位則尊、知本小也、而謀天下國家之大、力本

小也而任乎安危休戚之重鮮有不及于禍敗者矣易曰鼎折足覆公餗其形渥凶蓋言才德不足而不勝大臣之任也

子曰知幾其神乎君子上交不諂下交不瀆其知幾乎幾者動之微吉之先見者也君子見幾而作不俟終日易曰介于石不終日貞吉介如石焉寧用終日  
衛可識矣君子知微知彰知柔知剛萬夫之望  
夫子釋豫六二爻義曰人於事物之際能知其是非之介者其明之至而神矣乎夫上交貴恭而易

至於諂、下交貴和而易至於瀆、其諂不諂、瀆不瀆、  
之間有幾存焉、君子上交未嘗不恭也、而不至於  
諂、下交未嘗不和也、而不至於瀆、其即所謂知幾  
者乎、然何以謂之幾、未動之先、吉凶未兆、既動之  
後、吉凶已形、皆不可謂之幾也、幾者一念方萌之  
始、其動甚微、而為吉為凶、即于此見端、雖无吉凶  
之形、而已有吉凶之理、不可不察也、君子見是幾  
之動、其為吉之先也、則作而趨之、其為凶之先也、  
則作而避之、不待終日而已決矣、幾最難見、君子

何以能然、易言之矣、易曰、介於石、不終日、貞吉、君子之心、安靜堅確、如此石之介、不為物所動者、自不為物所蔽、其于吉凶之幾、不待終日、而斷然明識矣、故其于幾之所在、無所不知、不待上下之交而已也、知其微而用吾晦焉、知其彰而用吾明焉、知其柔而用吾怯焉、知其剛而用吾勇焉、皆不俟終日而定、此其識超越衆人、豈非萬夫之望乎、

象引云、自知幾、至不俟終日、是言君子知幾、自易曰、至斷可識矣、則重在介於石一句、是言君

子之所以知幾、然後正言君子之事而贊之也。  
子曰：「顏氏之子，其殆庶幾乎？有不善，未嘗不知，知之  
未嘗復行也。」易曰：「不速元復，祇悔元吉。」

夫子釋復初九爻義曰：「純乎善而無待于復者，與  
道爲一之聖人也。顏氏之子，其殆近之乎？其偶有  
一不善之萌于心，則省察得到，未嘗不知，及其知  
之也，則決意克去，而未嘗復行。察之明而去之決，  
此顏氏之所以庶幾也。」易曰：「不速復，元祇悔，元吉。」  
此殆足以當之。

天地絪縕萬物化醇男女構精萬物化生易曰三人行則損一人一人行則得其友言致一也

夫子釋損六三爻義曰天地絪縕兩相與也萬物得氣以成形者皆漸化而凝厚男女構精兩相與也萬物之以形相與者皆漸化而生育兩相與而无所雜則造化生育之功于此而成况人之相與而可或雜乎易曰三人行則損一人一人行則得其友蓋言三人則情雜而亂兩則交端而一損三為二以一合一則情義端一無所間雜也



子曰、君子安其身而後動、易其心而後語、定其交而後求、君子修此三者、故全也、危以動、則民不與也、懼以語、則民不應也、无交而求、則民不與也、莫之與、則傷之者至矣、易曰、莫益之、或擊之、立心勿恒、凶、

夫子釋益上九爻義曰、君子將有動也、必先順道以安其身、而後形于動焉、將有語也、必先和氣以易其心、而後發于語焉、將有求也、必先以義定其交、而後有所求焉、此所謂立心有常也、君子修此三者、故動則必與、言則必應、求則必與、而未嘗或

失也不然、不能順道以安其身、而危以動、則動不  
合理、而拂人之欲、民斷乎不與也、不能和氣以易  
其心、而懼以語、則言必無序、而不足以感人、民斷  
乎不應也、不能以易定交、而妄有所求、則求者雖  
殷而適足啟厭、民斷乎不與也、此皆立心勿恒之  
故也、至于有所動、有所言、有所求、而皆莫之與、則  
衆叛親離、而禍敗立見、傷之者必至矣、易曰、莫益  
之、或擊之、立心勿恒、凶、蓋謂此也、

右第五章

子曰、乾坤其易之門邪、乾陽物也、坤陰物也、陰陽合德、而剛柔有體、以體天地之撰、以通神明之德、

此章論易画與易辭。而贊其能前民用也。首節言卦画。若云、伏羲之画卦、初為奇偶二画、是所謂乾、坤、是即六十四卦、三百八十四爻之所從出、其易之門邪、夫乾之一画、體一而寔、是陽之形質也、坤之一画、體二而虛、是陰之形質也、此陰陽二画相交、而配合其德、於是為八卦、為六十四卦、而卦之為剛為柔者、各有其體、此乾坤所以為易之門也、

卦爻既画，九陰陽變化之跡，所謂天地之撰也。皆以此體之，而形容之畢肖。九陰陽變化之理，所謂神明之德也。皆以此通之，而發揮之無遺。九顯而該至著之象，隱而盡至微之理。天下之通有外於卦画者乎。

蒙引云：陰陽合德，德字輕看，只是奇偶相交也。此係言画卦之事。下條則言繫辭之事也。其稱名也，雜而不越，于稽其類，其衰世之意耶。承上言卦爻既設，而文周復繫之辭，一卦有一卦

之名、一爻有一爻之名、或假物象、或言事變、其稱  
名雜出、不可以一律齊也、而寔各有定理、无少差  
謬、蓋萬物雖多、无不出於陰陽之變、文周因卦爻  
陰陽之變、而取夫萬物陰陽之象、何謬之有、然考  
卦爻所稱之事類、則非上古淳質之時、思慮所及、  
其衰世民僞日滋、事變日煩之時、聖人不得不憂  
之深、而慮之切也乎、則其稱名之雜、時為之也、  
夫易彰往而察來、而微顯闡幽、開而當名辨物、正言  
斷辭、則備矣、

承上文言夫易既有卦爻之辭則其中何所不備乎陰陽消息天道之已然者謂之往易皆有以彰之使不晦吉凶悔吝事之未至者謂之來易皆有以察之使前知人事之顯人以為粗迹也易則明其本於理數而微之義理之幽人多日用而不知也易則即人事為之開發以闡之名各有等易中所言君臣上下之位窮通得失之分必各當其名而名與寔稱物各有類易中所言飛潛動植服食器用之物因其情狀而取以相類各有所宜卦爻

之下有所言為是為非為得為失皆正其言以示人而无所回互卦爻之下有其占曰吉曰凶曰利曰不利皆斷其辭以告人而无所依違凡所以窮陰陽之變而盡事物之常何一之不備乎

其稱名也小其取類也大其旨遠其辭文其言曲而中其事肆而隱因貳以濟民行以明失得之報承上文言易无所不備而于无所不備之中又極其周密試歷舉之凡言之小者取類亦小易之稱名也或有事物之小者其取類則以形容陰陽之

變又何其大也。九言遠者、譬多晦、易所蘊之旨、皆道德性命之微、天地鬼神之奧、何其遠也。然其所著之辭、則明白顯著、又何其文也。九言之曲者、未必中理、易之為言、喻以物態、通之人情、何其曲也。然揆之陰陽之理、又无一之不中焉。九事之可敷陳者、多元深意、易之叙事、盡大小之迹、究本末之端、何其肆也。然皆本之陰陽之變、又何其隱而難覓也。易之周至如此、果何為也哉。蓋因民心之疑、而莫決也、欲有以決之、而濟民之行、使皆合於理、



故以此明天下之事、逆理而失、順理而得、各有其報、使人知所趨避耳、此文王周公所以廣先天之蘊、而為開物成務之書也。

右第六章

易之興也、其于中古乎、作易者、其有憂患乎、此章言易皆反身修德之事、而三陳九卦以明之。若云、易初自伏羲、夏商之季、其道中微、則易之係以彖辭而復興也、其在中古乎、作易之聖人、其有憂患之事乎、不然、何其操心危、慮患深、而所以反

身修德者无乎不至也

是故履德之基也、謙德之柄也、復德之本也、恒德之固也、損德之修也、益德之裕也、困德之辨也、井德之地也、巽德之制也、

此節即卦名而見其為修德之事。承上文云是故易書之中皆反身修德之事。人之修德必以力行寔踐為先而所行之際必藉上下尊卑親疎隆殺之節文以為憑藉依據之地。則易中所言之履是即德之基也行禮而无卑已下人之意則不得為

禮而德无所執、易所言之謙、即德之所以執持而為事上接下之定則也。有以制其外、又當有以養其內。易所言之復、善端復於內、則衆善皆從此而生。非德之本乎。善端既復、又欲其長存而不失、易所言之恒、則一念如是、念念如是、非德之固乎。然存養之後、又當繼之以修治擴充之力。易所言損之懲忿窒慾、所以盡去人欲之私、而為德之修也。易所言益之遷善改過、所以益充其本然之善、而為德之裕也。人欲盡而天理純矣、將於何驗之乎。

能處困而亨、方知其德力之至、易所言之困、即德之所自辨也、德至可以處困、則確然有定、而物不能移、易所言之井、即德植立之地也、可與立而後可與權、易所言之巽、即德中處事之裁制也、此九

者、孰非反身修德、處憂患之善物乎、

恆和而至謙尊而光、復小而辨于物、恒雜而不厭、損先難而後易、益長裕而不設、困窮而通、井居其所而遷、巽稱而隱、

此贊九德之妙、若云、此九卦之德、其妙有可言者、

禮本乎人情、非強世之事、固云和矣、和若非其至者、然一皆天理之節文、人事之儀則、加之錙銖則過、減之毫髮則不及、和也而寡至矣、謙之為道、卑以自牧、似不尊光矣、然人道惡盈而好謙、萬民之所服者在此、有德者終不可泯、聲譽之日隆者在此、雖自卑也、而寔尊且光矣、物之小者、易為物所蔽、復僅一念之善、雖小也、而人欲終不得而亂之、何其明辨於衆物之中也、處雜者、易自厭其德而失守、恒則常德自如、處於紛華轆轤之地、而不至

搖於外而起厭倦之心、事之難易不一類也、損之  
懲忿窒欲、摧伏其勝氣、力奪其艷心、豈不甚難、然  
克治既深、久則漸熟而安之、初間雖難、而後則易  
矣、九事之增加者、多出於強設也、益之遷善改過、  
日日充長、以至寬裕、然不過去其所本無、還其所  
本有、何曾有外索而添設者乎、窮者未必能通、困  
卦之德、身雖困而道則亨、窮者其身也、而通者其  
道矣、居其所者、未必能及物也、井之為德、義理自  
安、居其所矣、然能隨處而應、運用不窮、不又能遷

乎、九稱量乎物者、多有稱量之迹、與以入事之中、而酌其宜、義由中出、其所以裁劑酌量之妙、有非人之所能窺者、其稱也不亦隱乎、九卦之德之妙如此、此其所以切於人之德而可著於用也、履以和行、謙以制禮、復以自知、恒以一德、損以遠害、益以興利、困以寡怨、井以辨義、巽以行權、此節言九德之用、承上文言履惟其和而至也、則可用之以和行、九事依禮而行、則無所乖戾而行已當矣、謙惟其尊而光也、故可以制禮、制節謹度、

而不放逸則禮由我行而无失節矣復惟其小而  
辨于物也則獨知之地可以自驗其善端之存而  
不容或昧恒惟其雜而不厭也則可以一其所復  
之善而无二三之私損惟其先難而後易也則致  
禍敗德之害可自此而遠益惟其長裕而不訖也  
則日進高明之利可自此而興困惟其窮而通也  
則患難貧賤无入而不自得而天人之怨以寡井  
惟居其所而遷也則安而能慮事物之來可以審  
其為是為非而皆當與惟其稱而隱也則九事能



優游以入不必拘于成跡而自有以適其輕重之  
宜人能反身脩德如此尚何憂患之不可免乎

右第七章

易之為書也不可逮為道也屢遷變動不居周流六  
虛上下无常剛柔相易不可為典要唯變所適

此章言易之切于人而望人之體易也易書字無  
卦爻與畔而言自為道屢遷至唯變所適皆言卦  
爻之變而辭亦隨之自出入以度至如臨父母皆  
指畔而言然畔者皆變之所為也總見易之不可

遠夫子說易之為書也有畫有繫人所當擬議以  
成變化者不可忽忘而遠之也蓋以易之為道屢  
遷而不<sub>一</sub>求也其為屢遷者何如卦爻之陰  
陽一變一動初无定居周流于卦中六爻之虛位  
或<sub>上</sub>而<sub>下</sub>或<sub>下</sub>而<sub>上</sub>而无常或剛變為柔或  
柔變為剛而相易其剛柔上下皆不可為一定之  
則<sub>其變之所趨而已</sub>其屢遷如此所以能體  
事<sub>而不</sub>在體物而不可遺也

其入以度外內使知懼

承上云、易因象係辭、辭之所言、皆利用出入之事、其言出入、必以事理當然之度、使人出而在外、入而在內、皆知度不可違、而凜然戒懼、不敢妄為焉、又明于憂患與故、无有師保、如臨父母、

不特此也、又于出入以度之中、九遇憂患、更加諄物、則告人、與其所以致憂患之故、使人于內外之際、畏懼雖无師保、以訓戒之、常若父母之臨、其上易之切于人若此、如之何其可遠也、初率其畔、而揆其方、既有典常、苟非其人、道不虛行、

承上文云、易不可速如此、學者若初循其辭而揆  
度其理、則一卦有一卦之定理、一爻有一爻之定  
理、既有異常而可守矣、然理雖有定、苟非其人、能  
盡其理、而見之行事、則是理之在易者、不能以  
行、謂神而明之、存乎其人也、可見易之為書、  
固不可速、而不速乎易者、則存乎人也、

案引云、不可為典要、通六十四卦三百八十四  
爻言也、既有異常、析各卦各爻而言也、不必謂  
向无異常、而今方有異常。諸解多云、以變言

之而不可為典要，以辭一則有與常似未安。  
右第八章

易之為書也，原始要終，以為質也。六爻相雜，唯其時  
物也。

此章專論爻畫以示人。若云：易之為書也，原一畫  
之始，要六畫之終，以為全體者也。卦必六爻備而  
後成質，此六爻也。有以陽居陰位者，有以陰居陽  
位者，交相錯雜，唯六爻隨時所值陰陽之物而已。  
其時所值之不同，此六爻之所以相雜也。

蒙引云、原字要字、不用十分重看、只是有始无終、不成卦、必無始終、方成卦耳、

其初難知、其上易知、本末也、初辟擬之、卒成之終、六爻固惟其時物、然其辟義之難易詳略、不能无辨、初爻之義、今欲知之、則覺難、上爻之義、今欲知之、則覺易、何也、初在卦始、卦之本也、本則一卦之質未成、而其義尚隱、故難知、上在卦終、卦之末也、末則一卦之質已備、而其義大著、故易知、初惟難知、故聖人當繫初爻之辟、必擬議其為何象、嘗用

何占、而後係之以辟、上惟易知、故聖人繫上爻之  
辭、不過因初爻之象與占、而卒要其成於終而已、  
若夫雜物撰德、辨是與非、則非其中爻不備、

承上云、初上二爻之辭如此、若夫雜陳天地間一  
切事物、而撰述其所以然之德、物有漸慝、德有邪  
正、悉辨其是與非、而不淆、則非中四爻不能備矣、  
蒙引云、自其初難知、至不備、以六爻之辟言也、  
其原始要終、唯其時物、特以卦爻言、未有辭在、  
噫、亦要存亡吉凶、則居可知矣、知者觀其彖辟、則思

過半矣

承上云卦有初上本末之詳、又有中爻物德之備、天下之理具矣、因發歎曰、人若有欲知天道之存亡、人事之吉凶者、亦據六爻所備、而觀象玩辭、觀變玩占、以究其消息之機、得失之報、則存亡吉凶、居然可知、而不勞餘力矣、然在知者、又不必備求之各爻也、只觀其衆辟、而所謂存亡吉凶之理、已思過其半矣、知者不可多得、六爻安可以不備乎、二與四同功而異位、其善不同、二多譽、四多懼、近也



柔之為道不利遠者其要无咎其用柔中也

此與下節復論中爻之同而異。若云卦之理固非中爻不備然中有其所同亦有其所異不可不辨也。二之與四皆陰爻同能為柔順之功也。而二居下體四居上體其位異矣。惟其位異故其善亦不同。二之善在多譽四之善在多懼。四之所以多懼者以其近于君而有凌逼之嫌也。然柔之為道非得陽以為之依附則無以自立亦不利於遠也。而二乃大要得无咎而有譽者何也。以位柔而居中。

故也。柔而能中，所謂柔嘉維則，臣道之純者，雖速而无不利矣。

蒙引云：此柔字不可主六字言，通此一條皆不可說出六字，只據二四之位言。若九二九四亦如此論，三五亦然，故其末乃云：其柔危其剛勝耶，可見上文全據位而言也。

三與五同功而異位，三多凶，五多功，貴賤之等也。其柔危其剛勝邪？

三之與五皆陽爻，同能為剛健之功也，而三居下

體之上五居上體之中其位異矣然在三則多凶  
在五則多功此何以故以五居君位而貴貴則可  
以有為三居臣位而賤賤則難以自專也若論處  
此位之道三之與五大抵皆以柔居之則委靡不  
振不稱其位而危以剛居之則沉毅有為乃足以  
勝其位而無難也二之與四三之與五其或同或  
異者如此此又中四爻之大九也

方第九章

易之為書也廣大悉備有天道焉有人道焉有地道

焉無三才而兩之故六六者非他也三才之道也  
此章總是贊易道之廣大悉備而及其所有之名  
若云易之為書也統言之則廣大析言之則悉備  
何以見之且據八卦言之卦有三畫上一畫象天  
則天道也中一畫象人則人道也下一畫象地則  
地道也方易之小成已具有三才矣然猶未也聖  
人又因八卦而重為六十四卦兼此天地人之三  
才而加一倍焉是兩之也兩之故有六畫其六畫  
者非他也亦不過是三才之道也三才之道皆具

于易如此、易之廣大悉備何如乎。  
隨有變動、故曰爻、爻有等、故曰物、物相雜、故曰文、文不當、故吉凶生焉。

承上文言易惟備三才之道、則六画皆道所在也。  
是道也、何以謂之爻、以一画自為一義、變動而不可拘、故曰爻、爻者從其交變而得名也、爻何以謂之物、以爻有遠近貴賤之等差、故曰物、物者從其不齊之質而名之也、物何以謂之文、是物也、剛柔之位相間而立、故曰文、文者從其錯雜而名之也。

然文有當有不當、有以剛居剛、以柔居柔、而謂之  
當者、亦有以剛居柔、以柔居剛、而謂之當者、有以  
剛居柔、以柔居剛、而謂之不當者、亦有以剛居剛、  
以柔居柔、而謂之不當者、此則吉凶之所由以生  
也、爻也、物也、文也、吉凶也、要皆三才之道之所顯  
著也、其廣大悉備、不愈明乎、

爻物文都就爻位說、文不當句、方無九六說、當  
不當、只是或得或失、不可拘剛居剛、柔居柔也、  
右第十章

易之興也其當殷之末世周之盛德邪當文王與紂之事邪是故其緯危危者使平易者使傾其道甚大百物不廢懼以終始其要无咎此之謂易之道也此章原易所由興而因以見聖人之情若云易之復興也于何時乎其當殷之末世與周之盛德邪當文王與紂為君臣之事耶以文王之聖親值末世之事而作易是故其緯多戒懼警惕之意九辯中之所言以危居心者必因其戰懼而使之平安以易居心者必因其安肆而使之傾覆此危平易

傾之道甚大而無不該、九百有事、平者必出於危、  
傾者必出於易、未有能廢之者也、欲何爲哉、不過  
使人懼於始、懼於終、終始一於懼、而不敢少有漫  
易之心、所言危者、固欲人懼以承之、所言易者、亦  
欲人懼以改之、大要使人有平無傾、歸于无咎而  
已、易之憂世、覺民、其道固如此、其切於人何如哉、

右第十一章

夫乾、天下之至健也、德行恒易以知險、夫坤、天下之  
至順也、德行恒簡以知阻、



此章上章言聖人慮憂患不假卜筮而知吉凶既具作易之本。遂作易使人卜筮亦有以知乎吉凶也。若云夫聖人有純乎乾者其性情誠天下之至健也故其德之見於行者遇事必為而無沾滯固恒易矣。然非一於易而忽天下之事也其於危機所伏即知其為險而不輕進焉。聖人有純乎坤者其性情誠天下之至順也故其德之見於行者行所無事而无紛擾固恒簡矣。簡誠足以順應天下之事也其于困厄所臨更能知其為阻而不輕冒

焉、知險知阻如此、所以無易者之傾也、  
能說諸心、能所諸侯之慮、定天下之吉凶、成天下之  
亹亹者、

夫至健至順者之知險知阻、誠以其平日心與理  
合、而能說諸心、及其臨事、即以所說之理、再加詳  
審、而所諸慮、所以能定天下之吉凶、其為險阻、與  
非險阻、無不前知也、又能成天下之亹亹、於險阻  
者、則避之、於非險阻者、則趨之、力行而不已也、  
本義、公屬乾坤覺未安、蒙引云、合乾坤而同一

言田  
道當從本義又以下二句分承上二句亦以渾  
講為安

是故變化云為、吉事有祥、象事知微、占事知來、  
聖人之說心所慮而能前知者、不過本乎理之自  
然者、以知之而已、是故理在天道、則為變化、如日  
月星辰寒暑風雨之屬、有消息之不同、在人事則  
為云為、九進退出處語默酬酢之屬、有得失之不  
一、此理之甚顯者也、天道人事之將有吉事也、必  
有休美之徵兆於其先、推之凶事、无不皆然、此理

之甚微者也、總之一理而已、吉凶之一定者謂之  
器、聖人即變化云為以象事、則其事理之一定者  
可以知矣、其知以藏往者如此、吉凶之未至者謂  
之來、聖人即吉事有祥以占事、則其事應之未至  
者、可以知矣、其神以知來者如此、此其所以知險  
知阻、定吉凶而成亹亹也、

天地設位、聖人成能、人謀鬼謀、百姓與能、

聖人不假卜筮、知來如此、此豈可概求之百  
姓乎、于是乎易不能无作矣、天位乎上、地位乎下、

而易之理具于其中、然無心之化、難以通喻也。聖人作為易書、明天池之理、以示人、以贊成其能。由是人之吉凶未決者、既盡人謀以定是非、又因著策以盡鬼謀而審趨避、則百姓之愚皆能知吉凶、成寶璽而與乎聖人知幾知來之能矣。

八卦以象告、爻象以情言、剛柔雜居、而吉凶可見矣。所謂聖人成能、百姓與能者、如何、易理之在天地、百姓不得而知也。伏羲作為八卦、乃以天道人事吉凶之象、明告乎人者也。尚未有辭也。文王周公

作為爻象之辭、則以八卦之情、發而為言者也。既告之以象、復詳言其情、今即易書以觀、為柔為剛、錯雜而居、有時位之得者、有時位之不得者、而吉凶不昭然可見矣乎。

變動以利言、吉凶以情遷、是故愛惡相攻而吉凶生、遠近相取而悔吝生、情偽相感而利害生。凡易之情、近而不相得、則凶、或害之、悔且吝。

承上文象辭備而易之體、以立易之為用、可得而詳矣。其撰著求卦、自四營至十有八變、所謂變動

也變動之始尚未有言也然由此而成文定象九  
所以推明趨避之利而示人以言者即在其中矣  
故曰變動以利言至于變動之後其所遇之占有  
吉有凶皆因卦爻之情有向于得者有向于失者  
占畔隨之而為吉凶吉凶非以情遷乎是故卦爻  
之情有相愛者有相惡者愛惡相攻而吉凶由此  
而生矣卦爻之情有宜在近而反遠者則病其疎  
有宜在遠而反近者則病其逼遠近相取而悔吝  
由此而生矣卦爻之情有以情相感者有以偽相

感者情偏相感而利害從此而生矣大抵九易之情近而相得者為貴不相得而速者亦无害惟是其位既近而又不相愛而相惡焉不以情而以偽焉其不相得如此必至于凶而又有害而悔且吝矣所謂吉凶以情遷者如此此聖人成能之事而百姓之所以可以與能也

將叛者其畔慚中心疑者其畔枝告人之辭寡躁人之辭多誣善之人其畔游失其守者其辭屈所謂以情遷者不特卦爻之詞在人之詞亦有之



人言皆本于心、如其人之將背義棄信而叛也、心有所愧、則其詞必慚、其中有所疑也、心无定主、則其詞必枝、有德之吉人、其心常靜、故時然後言、而其詞寡、无德之躁人、其心常動、故不擇而發、而其詞多欲、誣善類之人、則必摭無失寔、而失之游、自失所守之人、則氣先自餒、而其詞屈、人之詞因情遷如此、卦爻之詞、亦以卦爻之情而遷、不猶是乎、舊說失守、欠明、今斷作敗節者說、

右第十二章

周易說略卷之八下

說卦傳

孔氏曰說卦者陳說八卦之德業變化及法象  
所為也。愚按傳字宋儒呂氏所益費氏王氏  
本尚元之繫詞文言序卦雜卦皆然

昔者聖人之作易也幽贊于神明而生蓍参天兩地  
而倚數觀變于陰陽而立卦蒞揮于剛柔而生爻和  
順于道德而理于義窮理盡性以至于命  
此章言聖人作易之事。而因究其極功。若云昔者

聖人之作易也、有著數、有卦爻、天下之道盡此矣、然著何由而生、本聖人王道大行、天下和平、有以幽贊于天地之化育、於是和氣充塞而生著之神物、是著也、所以為求卦之用也、然著卦之數、何由而起、天體圓、圓者一而圍三、三各一奇、是天數本三、從而定其為三、是為參天、地體方、方者一而圍四、四合二偶、是地數本二、從而定其為二、是為兩地、而揲著七八九六之數、皆倚此而起、三奇則三三而為九、三偶則三二而為六、二老之數、倚此起

爻兩二一三則為七兩三一二則為八二少之數  
倚此起矣聖人既參天兩地而倚數於是用以求  
卦於十有八變之後統而觀之為陰画者有幾為  
陽画者有幾而卦體以立矣卦既成於其中又逐  
一考其何者為太剛太柔何者為少剛少柔而發  
揮之極其明悉則當動之爻於是以生矣夫聖人  
作易肇著之生起著之數卦因以立爻因以生是  
故九吉凶消息之理進退存亡之道為人所共由  
所同得者皆一一模寫出來而无所乖拂是和順

於道德也、而於其中、何者為吉、為凶、何者為存、為亡、又隨在各有條理、是理於義也、但見天下事物之理、皆於此析之甚精、而无一之不窮、天下人物之性、皆由此各得其宜、而无一之不精、盡理也、性也、皆天命也、窮之盡之而極其至、則於天命之本然、胥合而无間矣、聖人作易之功、何其大哉、  
觀變即觀十有八變、朱子小字亦曾主觀陰陽之變、不主著數、或是未定之說、

右第一章

昔者聖人之作易也將以順性命之理是以立天之道曰陰與陽立地之道曰柔與剛立人之道曰仁與義無三才而兩之故易六畫而成卦分陰分陽迭用柔剛故易六位而成六

此即卦画以明易道之大。若云昔者聖人之作易也蓋以理一也其凝成者之性其流行者謂之命將依此理之本然而模出以人也是故立天之道曰陰與陽一陰一陽運行而不息者天之所以為天也立地之道曰柔與剛為剛為柔相因而

元窮者地之所以爲地也、立人之道曰仁與義、居  
仁由義、體用之交盡者、人之所以爲人也、是皆所  
謂性命之理也、夫此性命之理、原通三才而兩之、  
陰陽具而後天道成、剛柔具而後天地道備、仁義  
足而後人道全、皆兩而成化、故易六画而後成卦、  
亦兩其三才以順之也、夫此性命之理、其爲陰爲  
陽、界限甚明而不亂、其或剛或柔、相承迭運而不  
息、故易之六位、陰陽相間、剛柔迭出、而成文章、  
卽以順其陰陽之分、剛柔之運也、卽爻畫觀之、而易

道之大不可見乎

右據蒙引演講時人多遵本義說無三才而兩  
之句及分陰分陽迭用柔剛句都就聖人作易  
說云三才之理如此在三画已具聖人欲無此  
三才而兩之自三画之卦重為六画而後為貞  
為悔卦體以成自六画而細觀之二四六陰也  
一三五陽也是分陰分陽一之剛二之柔三之  
剛四之柔五之剛六之柔相間迭用是迭用柔  
剛故易六位之間奇偶錯綜燦然成章似不如



蔡說文順理長但其本自朱子難遷更也

右第二章

天地定位山澤通氣雷風相薄水火不相射八卦相錯

此明伏羲卦位所謂先天之學也。若云昔伏羲始畫八卦乾一兌二離三震四巽五坎六艮七坤八此是橫圖乃作易之原本也。為其元以象渾天之形陰陽消息之數也。故取此橫圖規為圓圖。今觀其位乾居南而坤居北非天地定位乎。艮居西

而兌居東南、非山澤通氣乎、震居東北、而巽居西南、非雷風相薄乎、坎居西、而離居東、非水火不相射乎、此圓圖八卦對待之位也、由是而八卦交相錯綜、六十四卦、從此成矣、

數往者順、知來者逆、是故易逆數也、

伏羲以此六十四卦、規而圓之、以象天道之流行、震離兌乾、列之于左、巽坎艮坤、列之于右、夫列于左者、自震四、而離三、兌二、以至乾一、皆進而得其已生之卦、是數既往者也、數往則无推測之勞、不

亦順乎列於右者自巽五而坎六艮七以至坤八  
皆退而得其未生之卦是知將來者也知來則假  
推究之力不亦逆乎即圓圖觀之固有順逆之辨  
矣然此乃卦氣之所以運而非卦畫之所以成也  
若邇其成卦之序則必始于乾一而兌二離三震  
四巽五坎六艮七以至坤八无一而非逆數也夫  
卦氣之所以運者從易卦既成之後而取以為象  
者也卦畫之所以成者乃易卦生生自然之序而  
易書之宗祖也

右第三章

雷以動之、風以散之、雨以潤之、日以暉之、艮以止之、兌以說之、乾以君之、坤以藏之。

此章論伏羲方圖之合於造化也。若云伏羲既以六十四卦、規為圓圖、復以六十四卦、積為方圖、震巽居中、巽居左而向于東南、震居右而向于西北、震之象為雷、巽之象為風、是當物之始生、雷以動乎物而發其生意、巽以散乎物而解其鬱結也。次巽者坎、次震者離、坎之象為雨、離之象為日、是當

物之流行、而以潤乎物、物由是而滋長也。日以暉  
乎物、物由是而蕃榮也。次坎者艮、坎離者兌、艮之  
義為止、兌之義為說、是物之告成。艮以止乎物、而  
物之生意、由是而收斂也。兌以說乎物、使物各得  
其所而欣暢也。次平公、而極於西北者乾也。次乎  
艮而極於東南者坤也。乾於物无所不統、是君之  
也。雷之動、風之散、雨之潤、日之暉、艮之止、兌之說、  
皆乾之一職也。坤於物无所不容、是藏之也。則夫  
雷之動、風之散、雨之潤、日之暉、艮之止、兌之說、皆

包容於其中、而乘時以出也、是一圖位之間、而寓造化生成之妙如此

右第四章

帝出乎震、濟乎巽、相見乎離、致役乎坤、說言乎兌、戰乎乾、勞乎坎、成言乎艮

此章言後天之易。若云、昔伏羲卦位、以對待為體、文王取八卦而更置之、起于震、終于艮、當一歲之運、而造化流行之序、于此可見矣。夫造化流行、必有為之主者、所謂帝也。帝有出入、其神妙不可測。

而皆寓於後天八卦之位。帝之方出，氣之自靜而動也。而出則自震化機之發，發于是矣。自出而齊，氣之由見端而畢達也。而齊則於巽化機之暢，暢於是矣。既齊之後，而發育明盛昭著者，是為相見而相見則在乎離。相見之後，竭盡其涵育培養之力，是為致役。而致役則在乎坤。此帝自出而入之始也。既致役矣，則化機始歛而飽滿欣歡，惟在乎兌。為然是說於兌也。既說矣，而肅敘嚴凝之氣，與生育長養之氣，爭勝而不已，是戰也。此其在乾為

然由是化機盡歛、寧靜休息、是之為勞、而坎則其  
勞之地也、休息之久、而保合既至、生育收藏之功、  
於是无一之或遺而成矣、而成則在乎艮、此又帝  
自入而出之漸也、

蒙引曰、帝者天之主宰、究亦无他、只是氣機耳、  
又曰、後天乾坤乃偏言之、乾坤與六子同例者  
也、統之以帝矣、

萬物出乎震、震東方也、齊乎巽、巽東南也、齊也者、言  
萬物之潔齊也、離也者、明也、萬物皆相見、南方之卦



也。聖人南面而聽天下，嚮明而治，蓋取諸此也。坤也者，地也。萬物皆致養焉。故曰：致役乎坤。兌，正秋也。萬物之所說也。故曰：說言乎兌。戰乎乾，乾，西北之卦也。言陰陽相薄也。坎者，水也。正北方之卦也。勞卦也。萬物之所歸也。故曰：勞乎坎。艮，東北之卦也。萬物之所成終而所成始也。故曰：成言乎艮。

夫帝之出入不可見也。所可見者，萬物之隨帝以出入耳。萬物之出也，出於震。震，東方之卦也。於時為正春。萬物發生之時也。物既出矣，由是而齊於

巽巽東南方之卦、於時為春夏之交、故物之前此未齊者、至此而齊、齊也者、蓋言物之生意畢達、鮮潔整齊、非復向之始出而未伸也、離也者、明之謂也、於時為正夏、萬物至此形形色色、无不昭然相見、見則明矣、蓋離乃南方之卦、南方明之地也、意者古聖人南面以聽天下、向乎明而治、蓋有取於南方之離也、次離者坤、坤之為卦、地之象也、位居西南、而當夏秋之交、土旺之時、萬物至此皆盡其涵養之力、以向於寔、觀物之致役、而知帝之致役、

故曰致役乎坤。次坤者兌。兌位西方。正秋之時也。萬物生意已足。收斂充寔。皆有油然而暢適之意。觀物之悅。而知帝之悅。故曰悅言乎兌。所謂戰乎乾者。乾西北方之卦。當秋冬之交。陽衰陰盛。生養之氣。與肅殺之氣。互進互退。而交相迫擊也。物之受此氣者。亦有所戰而不決矣。坎者水象。而位北。正北方之卦也。在八卦之中。此為安慰休息之卦也。以其時當正冬。萬物保合太和。乃其歸宿之地也。觀物之勞。而知帝之勞。故曰勞乎坎。至於艮者。則

東北方之卦也。于時為冬春之交。今歲之生意至此而終。來歲之生意又從此而起。是乃萬物之所成終而所成始也。萬物之成一帝之成矣。故曰成言乎艮。此動靜之所以無端。陰陽之所以無始也。造化之流行皆見於八卦者如此。後天之學於是為至矣。

數故曰字。正借萬物之出入以明帝之出入。八卦或言位或言時互見耳。單言時處當貼入位說。單言位處當貼入時說。其言德言象亦是舉

一例餘然不必增入。以此章言氣機流行。重在時與位也。

右第五章

神也者、妙萬物而為言者也、動萬物者、莫疾乎雷、橈萬物者、莫疾乎風、燥萬物者、莫熯乎火、說萬物者、莫說乎澤、潤萬物者、莫潤乎水、終萬物始萬物者、莫盛乎艮、故水火相逮、雷風不相悖、山澤通氣、然後能變化既成萬物也。

此章合先後天而總言之。以見其相需為用也。若

云以主宰而言則謂之帝自其不測而言則謂之神神也者无在而无不在无為而无不為不離於物之外而寔不滯於物之中乃妙萬物而為言者也試以後天六子分治之用言之物必動而後生動萬物者莫疾乎雷物必橈而其生始暢橈萬物者莫疾乎風物必燥而後發榮燥萬物者莫熯乎火物必說而後生意暢滿說萬物者莫說乎澤之浸灌物必潤而後滋長不窮潤萬物者莫潤乎水之沾濡物之歛藏為終肇端為始而終萬物始萬

物者莫盛乎艮、當出入之際、貞元之交、可以成終而成始也。六子之用、何一而非神之所為乎？陰陽之變化成物如此、使其不得所偶、則獨陽不生、獨陰不成、非先有交合之體、无以有分治之用、故必如先天所列水與火為偶而相逮、雷與風為偶而不相悖、山與澤為偶而通氣、然後陰變陽化、九所以動之、撓之、燥之、說之、潤之、終始之者、無不各盡其用、而萬物皆得成遂也。可見後天之易、與先天之易、相為終始、缺一不可矣。

丘氏曰序六子之用不及乾坤者六子之用皆乾坤之為也五卦皆言象而艮不言者終始萬物義不係于山也

蒙引于此章言分治又言流行畢竟主分治是若言流行之序則斷不去乾坤且以潤萬物當冬月藏閉之義可乎

右第六章

乾健也坤順也震動也巽入也坎陷也離麗也艮出也兌說也



此言八卦之性情即所謂卦德也若云八卦各有其性情乾三画皆奇為陽之純其靜也專而不可亂其動也直而不可撓誠見其為健也坤三画皆偶為陰之純靜則翕而無為動則闢而不擾誠見其為順也得乾之初而為震一陽生于二陰之下而不受制於陰存之為能奮之卦而棄之為振作之用性情之能動者也得坤之初而為巽一陰伏於二陽之下而不與之抗是其體固沉潛而其用亦婉轉也性情之能入者也故以一陽在二陰之

間為陰所溺而不能自拔則陷而已。離以一陰在二陽之中安于依附而不敢獨運則麗而已。艮以陽居陰上則勢極而不復動其性情務為鎮定而止也。兌以陰居陽上則意得而情見于外其性情務自愉快而說也。八卦之性情如此。此易所以能通神明之德也乎。

右第七章

乾為馬、坤為牛、震為龍、巽為雞、坎為豕、離為雉、艮為狗、兌為羊。

此言八卦之象乎物若云八卦於物類各有其似  
乾數奇而德健馬蹄圓而致遠是乾為馬也坤數  
偶而性順牛蹄折而馴伏以引重是坤為牛也震  
陽動陰下龍以動奮之身而靜息于地勢重陰之  
下是震為龍也巽陰伏陽下雞以入伏之身而出  
聲于天氣重陽之內是巽為雞也坎外柔內剛豕  
外汙濁而內剛躁象之離外剛內柔雉外文明而  
內柔怯象之艮以一陽止于二陰之上外剛能止  
物而內柔媚者狗也故艮為狗兌以一陰說於二

陽之外、外柔說而內剛狠者、羊也。故兌為羊。八卦之象、遠取諸物、而无不含有如此。

本義遠取諸物、近取諸身、雖用古者包犧氏章成語、然與彼處不同、彼是作八卦時事、此是于八卦既成之後、見卦有此象也。本之蒙引。

右第八章

乾為首、坤為腹、震為足、巽為股、坎為耳、離為目、艮為手、兌為口。

此言八卦之象、近取諸身而得之者。若云八卦之

象不特在物也其在身亦有然者乾積陽在上而  
覆物首則會諸陽尊而在上也非乾為首乎坤積  
陰在下而載物腹則藏諸陰廣而有容也非坤為  
腹乎震陽動于下足則在下能動震為足也巽陰  
偶居下股則兩垂而下巽為股也坎陽陷陰中耳  
輪內陷陽在內而聰者似之離陰麗陽中目睛外  
附陽在外而明者似之艮陽止于上手剛而在前  
艮之與手為類也兌陰拆于上口開于上兌之與  
口為類也八卦之象近取諸身而无不合又如此

右第九章

乾天也、故稱乎父、坤地也、故稱乎母、震一索而得男、故謂之長男、巽一索而得女、故謂之長女、坎再索而得男、故謂之中男、離再索而得女、故謂之中女、艮三索而得男、故謂之少男、兌三索而得女、故謂之少女、此八卦之象、取諸人倫者也。若云乾何以謂之父、蓋以乾純陽至健、乃天也、天者物所資始、有父道焉、故稱乎父、坤何以謂之母、蓋以坤純陰至順、乃地也、地者物所資生、有母道焉、故稱乎母、至於震

與坎離艮兌何以有男女長中少之稱蓋震之為卦是坤初索於乾而得乾之初畫得畫在諸陽之先故謂之長男巽之為卦是乾初索于坤而得坤之初畫得畫在諸陰之先故謂之長女坎之為卦是坤再索于乾而得乾之中畫所得者陽之中故謂之中男離之為卦是乾再索於坤而得坤之中畫所得者陰之中故謂之中女艮之為卦是坤三索于乾而得乾之第三畫所得者陽之最後故謂之少男兌之為卦是乾三索于坤而得坤之第三

西所得者陰之最後故謂之少女乾坤者大父母也而六子則以所得之陰陽分為男女以所得之先後為之次第八卦之象不求之人倫而有合哉此據近說而衍之者朱子小註云乾求于坤而得震坎艮坤求于乾而得巽離兌與此相反私心覺其未安故斷從此

右第十章

乾為天、為圓、為君、為父、為玉、為金、為寒、為冰、為大赤、為良馬、為老馬、為瘠馬、為駁馬、為木果、



此廣八卦之象。自乾之象廣之。乾純陽至健。故為天。陽體圓而動。故為圓。以圓之為物。體圓而動也。尊而宰物。无所不統。故為君。資始萬物。故為父。陽德純粹。故為玉。陽德堅剛。故為金。後天之位。乾居一。壯最凝之方。故為寒。為冰。乾為盛陽。大耋者盛之色也。乾健而物之健者。莫如馬。自陽德之純言之。則為良馬。自老陽言之。則為老馬。其純剛而无柔。則為脊馬之多骨而无肉。其健而至猛。則為駁馬之鋸齒而食席豹。圓而在上。則為木果。

時說講為圓多云、天體圓而動、乾既為天、故又為圓、以象天之體、象天之運、稍覺牽合、故不從、若作應試文、不妨從俗、

漢書從諫、若轉圓則圓、乃圓而能轉之物、又錢名、圓法

坤為地、為母、為布、為釜、為吝嗇、為均、為子母、牛為大與、為文、為衆、為柄、其于地也為黑、

自坤之廣之、坤至順而在下、故為地、萬物資生、故為母、柔而平、廣故為布、以布之質、柔而平、廣也、

以其虛而容振故為釜、坤靜翕而不施、人性之吝  
嗇者似之、坤動闢而至廣、人事之均平者似之、以  
質本純陰、順而又順、故為子母牛、所載者廣、故為  
大輿、三畫皆偶、故為文、偶画至多、故為衆、在下而  
能承物、故為柄、柄者承物者也、坤為極陰、故于土  
色之中、又為黑、極陰之色也、

布或作錢布、固不似、其作展布說、亦與為均相  
近、只取作文之便、○布即布帛之布、○均或作  
均、惠說似偏、

震為雷、為龍、為玄黃、為旉、為大塗、為長子、為決躁、為  
蒼筤竹、為萑葦、其于馬也、為善鳴、為馵足、為作足、為  
的顙、其于稼也、為反生、其究為健、為蕃鮮。

自震之象、廣之震、以一陽動于二陰之下、其象為  
雷、以雷者、陽在陰內、奮擊而成也、為龍、龍以動奮  
之身、靜息于地、勢重陰之下也、乾坤始交而為震、  
故于色為玄黃、兼天地之色也、陽氣始施、故在人  
事為旉、而方有作為、陽上進而前陰兩開、无礙、故  
為大塗、大塗通行之路也、一索而得男、則為長子。

陽動而銳則為剛決急躁而所為必果震東方之卦其色蒼故為蒼筤竹筤者竹之筠也震體下寔而上虛萑華下本寔而上幹虛故似之其于馬也則為善鳴陽氣在內開口出聲震一陽在下二陰上開之象也為鼻足一足懸起為作足四足俱動皆陽動於下之象也為的頸的白也陰色也陰在於上震亦二陰在上故似之其於稼也為反生以剛動於下反生者萌自下也陽長必終於乾故其究為健健以德言至於健則盛陽矣而生物必盛

故為蕃鮮、蕃鮮草木之美盛也。

巽為木、為風、為長女、為繩、直為工、為白、為長、為高、為進退、為不果、為臭、其于人也為寡髮、為廣顙、為多白眼、為近利市三倍、其究為躁卦。

自巽之象、廣之巽之為卦、一陰伏入而陽上盛、其象為木、木根下入而枝葉上盛也、為風、風者氣之善入者也、為長女、一索而得女也、紂木之曲而取直、則有繩、引繩之直以制木、則有工、巽者德之制、故在器則為繩、直而在人則為木工、為白、少陰之

色也為長風之行至遠也為高木自下而上升也  
一陰翳旋於二陽之下、儒而不決、故為進退、為不  
果、陰伏於下、氣鬱不散、故為臭、其於人也、為寡髮、  
陽氣上盛、陰血不升也、為廣顙、陽上盛也、為多白  
眼、離目上下白而黑居中、巽則上中白而黑反居  
下、故多白也、為近利市三倍、陽主義、陰主利、巽陰  
為主於內、而又善入、故其人為近利、而所市獲三  
倍也、其究躁卦、震為決躁、巽三畫皆變、則為震矣。  
進退者、且進且退也。髮血之餘、血為陰。

坎為水、為溝瀆、為隱伏、為矯輮、為弓輪、其于人也、為  
加憂、為心病、為耳痛、為血卦、為赤、其于馬也、為美脊、  
為亟心、為下首、為薄蹄、為曳、其于輿也、為多眚、為通、  
為月、為盜、其于木也、為堅多心、

自坎之聚、廣之、坎卦陽陷陰中、內明外暗、其聚為  
水、水內明而能陷物也、坎水流而不盈、故為溝瀆、  
溝瀆行水而不盈也、為隱伏、陽匿陰中也、為矯輮、  
陽在陰中、抑而能制也、矯曲者使之直、輮直者使  
之曲、皆抑制之也、為弓輪、二器皆矯輮所成也、其



於人也為加憂陽陷陰中不得寧也為心病為耳  
痛心耳皆以虛為體坎中寔則為病為痛矣為血  
卦血之在形如水在天地間故為血卦以得乾中  
画之陽故為赤與乾同色也其於馬也為美脊陽  
在中也三画之卦上為馬頰下為馬足中為脊為  
亟心剛躁在中也以上画柔故為下首以下画柔  
故為薄蹄又為足曳其於輿也為多眚坎為險陷  
在輿斯為多眚矣為通一陽居中而上下皆虛所  
謂水流而不盈者人事亨通之象也故為通為月

月者水之精也、為盜、陽匿陰中而能陷物也、其於木也、為堅多心、陽卦故為堅、陽在中故為多心也、  
險陷者車之災也、

先天坎位、西月亦生於西、

離為火、為日、為電、為中女、為甲冑、為戈兵、其于人也、為大腹、為乾卦、為蟹、為蟹、為蟻、為蚌、為龜、其于木也、為科上槁、

自離之象、廣之離明也、故為火、為日、為電、三者皆天地間之至明者也、為中女、再索得女也、為甲冑、

外面之剛象其外堅為戈兵離火之性象其上銳其于人也為大腹象其中虛也火性熾燥故為乾而无潤澤者之卦外剛而內柔故為蟹為蟹為蟻為蚌為龜中虛而乾故其於木也為中空而上槁藥節蘇云內暗外明者火與日離內陰外陽故為火為日不如此直捷亦不可不知

艮為山為徑路為小石為門闕為果蓏為闢寺為指為狗為鼠為黔喙之屬其于木也為堅多節

自艮之象廣之艮以一陽隆起坤地之上又止于

極而不進故為山之象以一陽橫亘二陰之上為  
徑路之象艮陽剛至小故為小石上画連亘下二  
画雙峙而虛有似乎門闕故為門闕陽在上而寔  
故為木之果草之蓀皆剛在上小而寔者也闕寺  
止物之妄出入者也艮之德止故為闕寺為指指  
者人身之剛而止物者也為狗狗亦外剛而能止  
初也為鼠亦以前剛也為黔喙之屬九鳥獸之剛  
喙能食生物者其喙多黑皆剛在前也其於木也  
為堅多節坎陽在內故堅多心艮剛在外故堅多

節

兌為澤、為少女、為巫、為口舌、為毀折、為附決、其于地也為剛鹵、為妻、為羊、

自兌之象廣之、兌說也、說萬物者莫如澤、又其卦為坎水而塞其下流之象、故為澤、三索而得兌、故為少女、兌既為說、而又上拆為口、故為以言語說神之巫、與夫悅人之口舌、為毀折、兌於時為秋、金氣始敘、條枯寔落也、為附決、一陰在上、是柔附於剛、剛盛上進、勢必決、柔故在人事為小人附已而

已能決之之象也其於地也為剛鹵下土堅硬而其上鹵濕二陽在下一陰在上之象也為妻陰之少賤者也為羊內狠而外說也

右第十一章

序卦傳

程子曰韓康伯謂序卦非易之蘊此不合道。朱子曰先儒以為非聖人之蘊某以為非聖人之精則可謂非易之蘊則不可周子不精與蘊字甚分明序卦却正是易之蘊事事決難都有

在裏面。案引云聖人只是略借卦名叙其所以相承者不為無義耳如卦德卦體之類皆在所略也又云序卦之義有相反者有相因者相反者極而變者也相因者其未至於極者也總不出二例又云序卦傳中言不可者其例有二如物不可以終否之類以理之自然者言也如有大者不可以盈之類以理之當然者言也其言某者某也亦有兩端如屯者盈也之類則粘帶上文如震者動也之類則粘帶下文又如師

者衆也之類則承上文而起下文大抵承上起下者居多

有天地然後萬物生焉

有天地則造化流行於兩間而萬物生此乾坤所以爲諸卦之首也

盈天地之間者唯萬物故受之以屯屯者盈也

盈天地之間唯萬物故繼乾坤以屯屯者正言萬物之盈滿乎天地也

受者承接之意



屯者物之始生也初生必蒙故受之以蒙

然屯者又生意鬱積為物之始生者也物之始生必蒙昧而不明故受之以蒙

蒙者蒙也物之穉也

兩句一聯上句申上下句起下若云卦之為蒙者正言物之蒙昧也指物之幼穉而言也

物穉不可不養也故受之以需需者飲食之道也

物穉當養需者飲食之道正所以為養也

飲食必有訟故受之以訟

飲食人之大欲也、有欲則爭、理勢之必至也、  
訟必有衆起、故受之以師、師者衆也、

訟則各有朋黨起者、非一人是有衆起、故受之以  
師、師者正衆之謂也、

衆必有所比、故受之以比、比者比也、

衆必有所比、輔而受統攝、故受之以比、比卦者正  
言人之比、輔順從于一人也、

比必有所畜、故受之以小畜、

衆既比矣、必有所以畜養之者、如田里樹畜之類、

故受之以小畜。

物畜然後有禮，故受之以履。

富之而後可教，故受之以履。履者禮也。

履而泰，然後安，故受之以泰。

人有禮以相接，則尊卑親疎各得其分而安矣，故受之以泰。

泰者通也，物不可以終通，故受之以否。

泰者天地交而王道行，亨通之會也。然初无終通之理，治極必亂，盛極必衰，天運之常，故受之以否。

物不可以終否，故受之以同人。

物无終否之理，當與人協力共濟，以傾其否，故受之以同人。

與人同者，物必歸焉，故受之以大有。

能同人，則近悅遠來，而所有者大，故受之以大有。

有大者，不可以盈，故受之以謙。

所有既大，不可以自滿，滿則招損矣，故受之以謙。

有大而能謙，必豫，故受之以豫。

有大而能謙，則其所有而樂矣，故受之以豫。

豫必有隨故受之以隨

人心和樂則必從之故受之以隨

以喜隨人者必有事故受之以蠱蠱者事也

以喜隨人者非无故而空隨之也必各有其當盡

之事故受之以蠱蠱者壞極而有事也

有事而後可大故受之以臨臨者大也

有事則可大之業由此而生故受之以臨臨者二

陽方長而盛大也

物大然後可觀故受之以觀

凡物之小者不足動人觀物大矣則有光輝顯著照耀人之耳目而可觀故受之以觀

可觀而後有所合故受之以噬嗑噬者合也

既大而可觀則信從者衆而有來合之者故受之以噬嗑蓋者合之義也

物不可以苟合而已故受之以賁賁者飾也

物而苟合則徃情自遂勢不能久如何可以苟合而无所所以文之故受之以賁賁者文以飾之之義也

致飾然後亨則盡矣故受之以剝剝者剝也

文以飾質本有亨道若極致其飾則反滅其質而亨之道窮矣故受之以剝剝者本寔剝喪之謂也物不可以終盡剝窮上反下故受之以復

物无終盡之理剝之為卦陽既窮于上則必復生于下所謂動極而靜惡極而善也故受之以復復則不妄矣故受之以无妄

善心既復則寔理存于中而无妄矣故受之以无妄

有无妄然後可畜、故受之以大畜、

中寔无妄、然後其德可聚、自一念之善、積而至于念念皆善、充寔而光輝矣、故受之以大畜、物畜然後可養、故受之以頤、頤者養也、

德既畜聚、然後可以優游涵泳、而養之以俟其化、故受之以頤、頤者養之謂也、不養則不可動、故受之以大過、

有大涵養、而後有大設施、不養則不可動、而見于用、故于頤之後、受之以大過、言其既養則有大過、



人之才而成大過人之事功也

物不可以終過故受之以坎坎者陷也

九事以中為貴不可以終過也故受之以坎坎者陷也過而不已則陷矣故人當過坎而知止也

陷必有所麗故受之以離離者麗也

人之陷者必有所附麗而後可以濟故受之以離離者附麗之義也

右上篇

有天地然後有萬物有萬物然後有男女有男女然

後有夫婦有夫婦然後有父子有父子然後有君臣  
有君臣然後有上下有上下然後禮義有所錯  
夫婦所關之大如此咸者夫婦之交此下經之所  
以首咸也

夫婦之道不可以不久也故受之以恒恒者久也  
夫婦之道不可不久故咸後繼恒恒者久之義也  
物不可以久居其所故受之以遯遯者退也  
此泛論物理言夫婦固當久若泛論天下之物久  
處盛滿者不祥久居權勢者必危固不可以久居

其所也故恒卦之後受之以遯遯者退也所以示  
人知所退避而去也

物不可以終遯故受之以大壯

物无終于衰退之理將來必有盛壯之時消息本  
自相須也故遯後受之以大壯

物不可以終壯故受之以晉晉者進也

物无壯而遂止之理必將乘其壯而有所為故受  
之以晉晉者進而有為也

進必有所傷故受之以明夷夷者傷也

進而不已知進而不知退必致傷矣故受之以明夷夷者傷之義也

傷于外者必反其家故受之以家人  
傷于外必反其家以就安故受之以家人

家道窮必乖故受之以睽睽者乖也

窮極而失節也樂勝則流禮勝則離之謂也于是  
父子兄弟夫婦之間越禮傷恩以相乖離故受之  
以睽睽者乖離之謂也

乖必有難故受之以蹇蹇者難也

人情義乖離必至相戕而難作故受之以蹇蹇者  
禍難之謂也

物不可以終難故受之以解

九人患難无究竟不散之理故蹇之後受之以解  
言其難極則必散也

解者緩也緩必有所失故受之以損

解又為緩怠慢縱弛之謂也人而如此必有所失  
而損矣故受之以損

損而不已必益故受之以益

然消息之理亦无終損者損而不已必轉而為益  
故受之以益

以下三卦或作學說懲忿窒欲則善日遷過日  
改而所此充足洋溢

益而不已必決故受之以决决者决也

益而不已則盛滿之極必决去堤坊而出禮法禁  
制之外故受之以决决者决去堤坊之謂也

决必有所遇故受之以姤姤者遇也

物之决裂而去者必有所遇而後止故受之以姤

姤者遇也

此本之蒙引與上段相連或作物之既決必有  
所遇合判乎此則附乎彼也此主決小人遇君  
子說

物相遇而後聚故受之以萃萃者聚也

相遇則相聚而為羣故受之以萃萃者聚之義也  
聚而上者謂之升故受之以升

聚于下矣由是而上之朝廷所謂連茹彙進也則  
謂之升故受之以升

升而不已必困故受之以困

知進而不知退故困也

困乎上者必反下故受之以井

既不得進勢當自退而居下井者物之在下者也  
故受之以井

井道不可不革故受之以革

井久則汙濁必革去之而後可食也

革物者莫若鼎故受之以鼎

鼎之為用變腥為熟易堅而柔是能革變乎物也



主器者莫若長子故受之以震

主宗廟祭祀之器者唯長子為宜名正而言順也故受之以震震長子也

震者動也物不可以終動止之故受之以艮艮者止也

震者動也動極則靜故受之以艮艮者止之義也物不可以終止故受之以漸漸者進也

物又不終于止故受之以漸漸者進之義也此動靜相生之理也

進必有所歸故受之以歸妹

人之進者必有其歸宿之地故受之以歸妹

特借歸字而言妹字輕

得其所歸者必大故受之以豐豐者大也

進而得其所歸則造乎其極非中道而廢者之比  
其德業必然盛大而非小成者矣故受之以豐豐  
者極乎盛大之謂也

窮大者必失其居故受之以旅

窮極其大者必喪敗而失其所居之安故受之以

旅旅者寓于外而不得所安也

旅而无所容故受之以巽巽者入也

旅者親寡而无所容當巽順以處之故受之以巽  
巽者從容委婉以相入也

入而後說之故受之以兌兌者說也

情相入則得其意而致說故受之以兌兌者相說  
樂之意也

說而後散之故受之以渙

心既相說則憂患之結聚于中者舒暢而無餘矣

故受之以渙

渙者離也物不可以終離故受之以以節

渙者又人情離散之謂也物而侯之終離則遠去而不可止矣當有以節之以定其志故受之以節制度數議德行所以收斂其離散之情也

節而信之故受之以中孚

既立為節制上當信而守之下當信而行之故受之以中孚中孚者一天下之心者也

有其信者必行之故受之以小過

人而自有其信則於事不加詳審而在所必行矣  
能免於過乎故受之以小過蓋天下事當隨時損  
益不可膠于一定也

有過物者必濟故受之以既濟

有過人之才者於事必能有濟故受之以既濟  
物不可窮也故受之以未濟終焉

曰既濟則事之終物之窮極處也物而窮則无日  
新不已之理故既濟之後受之以未濟未濟則未  
窮也未窮則有生之義此動靜之所以无端陰

陽之所以交變萬事萬化之所以无窮已也

右下篇

雜卦傳

韓康伯曰、雜卦者、雜糅衆卦、錯綜其義。蒙引曰、卦皆反對義、亦反對、反對之義、即一陰一陽之易也。

乾剛坤柔、比樂、師憂、臨觀之義、或與或求、

乾純剛、坤純柔、比有親、故樂、師動衆、則憂、以我臨物、曰與、物來觀我、曰求。

屯見而不失其居蒙雜而著

屯震動故見坎陷故不失其居蒙坎幽暗而雜艮  
光明而著此二卦又上下體自相反對一則進而  
不遂其進一則昧而不終於昧亦全體反對也

震起也艮心也損益盛衰之始也

震陽生於下艮陽止於上損本泰也而取下益上  
則為衰之始益本否也而取上益下則為盛之始  
大畜時也无妄災也萃聚而升不來也謙輕而豫怠  
也

健不易止而大畜之止健則時適然也災必有因  
而无妄之所得則災自外至也萃者聚而不散升  
者上而不來也謙者輕而不自尊重豫者怠而不  
能自持也

噬食也賁无色也兌見而巽伏也隨无故也蠱則  
飭也

噬噬食也賁本无色而有色也兌陰外見故為說  
巽陰內伏故為入也隨前无故故不飭蠱後當飭  
故不隨也



剥爛也復反也

剥者生意潰爛而向於無復者生意更反而向於有

晉畫也明夷誅也井通而困相遇也

晉者日出地上而為畫也明夷者日入地中而見傷也井有及物之功是為通困以坎遇兌而見揜也

咸速也恒久也渙離也節止也

咸不訓速天下之事惟咸通為最速故曰咸速也

速與久對、離與止對、離者散去而不止、止者安處而不離、

解緩也、蹇難也、

既安則緩、絕方危則憂迫、

睽外也、家人內也、否泰反其類也、大壯則止、遯則退也、

睽相疎而外、家人相親而內、否大往小來、泰小往大來、為反其類、大壯陽既盛矣、君子不恃其壯而輕進、故心遯者陰浸長矣、君子見其萌而早避、故

退

大有衆也同人親也革去故也鼎取新也小過過也  
中孚信也

大有者悉臣悉民所統者衆也同人者同心同德  
與之相親也革者去其舊時之惡鼎者取維新之  
美革者更改之意故曰去故鼎之受物貴其新者  
故曰取新小過之過皆出于小乃所謂過也中孚  
之信本之于中乃所謂信也信美德過累行相反  
對也

豐多故也親寡族也離上而坎下也小畜寡也履不  
處也

時當盛大其事必多人當聳族親之者寡離火炎  
上坎水就下小畜之力寡故欲畜衆陽而不能也  
履以和悅而履剛強故能進而而不處也  
需不進也訟不親也大過顛也

需者有待而不進訟者爭進而不可親亦反對也大  
過以本末弱致顛覆自大過以下卦不反對  
姤遇也柔遇剛也漸女歸待男行也

始以一柔遇衆剛小人始進之機君子之所當慮也女子之歸必待男子禮備而後行乃所謂漸也頤養正也既濟定也

頤之為養以正為貴也事至既濟則定矣

歸妹女之終也未濟男之窮也

女得所歸女子之終事也未濟則道之窮

夬夬也剛決柔也君子道長小人道憂也

以五陽決一陰君子當事而道長小人屏跡而道憂豈非世道之一快乎傳雜卦而終之以此蓋欲

天下有治而无亂有君子而无小人其扶陽柳陰  
之意萬世猶將見也